

Na osnovu članka 25., a u skladu sa člankom 13. i 19., Zakona o cestama Federacije BiH ("Sl. novine Federacije BiH", broj 12/10, 16/10 i 66/13) i Pravilnikom o održavanju javnih puteva ("Sl. novine Federacije BiH", broj 69/10), Općinski načelnik općine Gornji Vakuf-Uskoplje dana _____ 2018. d o n i o j e:

**Godišnji plan i program održavanja i rekonstrukcije
lokalnih puteva na području općine G. Vakuf - Uskoplje
za 2018 godinu**

I

Godišnjim planom i programom održavanja lokalnih puteva za 2018 godinu, a u visini sredstava odobrenih u usvojenom Budžetu općine od **300.000,00 KM** za 2018 godinu, predviđeni su sljedeći radovi:

Redni broj	Vrsta rada:		Ukupno (KM)
1.	Redovno Održavanje	Osnovni građevinski radovi održavanja u ljetnom periodu (prilog 1.1.)	108.160,00
		Saobraćajna signalizacija (prilog 1.2.)	1.200,00
	Prilog 1.	Putna oprema (prilog 1.3.)	1.879,00
		Zimsko održavanje (prilog 1.4.)	113.102,00
2.	Vanredno održavanje	(prilog 2.)	44.659,00
3.	Projektna dokumentacija	(prilog 3.)	1.000,00
4.	Rekonstrukcija – investiciono održavanje, projekti sufinansiranja i ostali radovi	(prilog 4.)	-
5.	Rezerva sredstava		30.000,00
	UKUPNO (Osnovna tabela)		300.000,00

II

Vrsta radova, planirane količine i lokacije, razvrstane po putnim pravcima su detaljno prikazane u prilogima i to: u Osnovnoj tabeli i tabelama Priloga 1. do 4. i čine sastavni dio ovog Godišnjeg plana i programa.

III

Općinski načelnik će putem nadležne Službe realizaciju Godišnjeg plana održavanja vršiti u skladu sa ostvarenjem prihoda, vodeći računa o prioritetima radova.

IV

Postupak ustupanja radova se obavlja u skladu sa Zakonom o javnim nabavkama Bosne i Hercegovine (" Službeni glasnik Bosne i Hercegovine", broj 39/14).

V

Iznimno u slučajevima kada prijeti opasnost po živote stanovništva, odnosno učesnika u saobraćaju nadležni organ općine može angažirati izvođača radova na otklanjanju neposredne opasnosti, pa i ako vrijednost radova prelazi iznose dozvoljene navedenim Zakonom, te naknadno neposrednom pogodbom izvršiti ugovaranje izvedenih radova. U ovom slučaju načelnik općine je dužan izvijestiti Općinsko vijeće u roku od 5 dana od dana nastanka događaja.

VI

U slučaju potrebe za prekoračenjem pojedinih stavki planiranih radova ti izdaci se podmiruju iz ušteda sa drugih radova ili iz rezervnih sredstava.

VII

Ovaj godišnji plan i program stupa na snagu narednog dana od dana dobivanja suglasnosti Općinskog vijeća, a primjenjivat će se od 01.01.2018 godine.

Broj: _____

Gornji Vakuf-Uskoplje, _____2018 godine

Općinski načelnik:

Obrazloženje Godišnjeg plana i programa održavanja i rekonstrukcije puteva u općini Gornji Vakuf-Uskoplje za 2018 godinu.:

Sredstva namijenjena za održavanje lokalnih puteva se na temelju Zakona o cestama F BiH ("Sl.novine F BiH", broj 12/10, 16/10 i 66/13), članak 25., troše u skladu sa Godišnjim planom i programom održavanja i rekonstrukcije.

Planirani iznos za 2018 godinu je **300.000,00 KM**.

Iz tog razloga je i Godišnji plan i program održavanja prilagođen raspoloživim sredstvima, tako da su radovi koje je neophodno izvesti planirani u iznosu od **300.000,00 KM**.

Radovi održavanja su u skladu sa Pravilnikom o održavanju javnih puteva klasificirani na radove redovnog održavanja i radove vanrednog održavanja. Osim toga predviđena je i izrada potrebnih projektnih dokumentacija.

- 1.) Radove redovnog održavanja čine putarski radovi odnosno osnovni građevinski radovi u ljetnom periodu, održavanje horizontalne i vertikalne signalizacije i putne opreme, te zimsko održavanje (Tabele priloga 1.1. do 1.4.) i predstavljaju neophodne radove, a planirani su u minimalnom iznosu od **224.341,00 KM**.
U sklopu tih radova posebno su planirani radovi na zimskom održavanju lokalnih puteva- zimska služba. Zimsko održavanje je planirano u iznosu od **113.102,00 KM** i odnosi se na sezonu 17/18 za period 01.01.2018.-15.03.2018. i na sezonu 18/19 period 15.11.2018-31.12.2018. U sklopu toga je planirana i nabavka soli u količini od **106,0 tona** (Prilog 1.4.), zatim redovno ljetno održavanje puteva i ulica u iznosu od **108.160,00 KM** (Prilog 1.1.), nabavka i postavljanje vertikalne i horizontalne signalizacije u iznosu od **1.200,00 KM** (Prilog 1.2.) i nabavka i postavljanje ograda u iznosu od **1.879,00 KM** (Prilog 1.3.)
- 2.) Vanredno održavanje podrazumijeva radove održavanja koji se izvode po odgovarajućoj projektnoj dokumentaciji u iznosu od **44.659,00 KM**. (Prilog 2.)
- 3.) Izrada projektne dokumentacije je planirana u iznosu od **1.000,00 KM** i da bi se u narednim godinama mogli izvoditi investicioni radovi neophodno je imati pripremljenu projektnu dokumentaciju. (Prilog 3.)
- 4.) Obzirom da nije moguće sve predvidjeti ostavljena su rezervna sredstva od **30.000,00 KM** (10 %) za eventualna prekoračenja pojedinih stavki. U slučaju potrebe za većim prekoračenjem neophodno je napraviti uštedu na nekoj poziciji radova osim toga i za podmirivanje dugovanja pri realizaciji prošlih projekata i pratećih troškova.

Ovdje treba napomenuti da su sredstva od 300.000,00 KM uveliko nedostatna da bi se izveli svi neophodni radovi puno kvalitetnije (ljetno i posebice zimsko održavanje) i u većem potrebnom obimu na oko 219,0 km puteva i ulica. Prema procjenama nadležne Općinske Službe za bolje i kvalitetnije održavanje i za izvođenje minimalno stvarno neophodnih radova, na ovih 219,0 km puteva i ulica trebalo bi godišnje izdvojiti minimalno oko 700.000,00 KM.

Sa poštovanjem !

Općinski načelnik:
